



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 01-05-43190-109-1/19
Sarajevo, 08.01.2020. godine

KANTON SARAJEVO
SKUPŠTINA KANTONA SARAJEVO
N/r Predsjedavajućeg Skupštine Kantona

Predmet: Odgovor na zastupničko pitanje- dostavlja se

Zastupnik Zvonko Marić, na šesnaestoj Radnoj sjednici Skupštine Kantona Sarajevo održanoj dana 11.12.2019. godine u okviru tačke Dnevnog reda: "Poslanička pitanja, inicijative i odgovori" postavio je sljedeće

Pitanje:

- "Molim sve subjekte koji su zaduženi za provedbu **PLANA INTERVENTNIH MJERA U SLUČAJEVIMA PREKOMJERNE ZAGAĐENOSTI ZRAKA U KANTONU SARAJEVO** (Službene novine KS 44/19) da me obavijeste o poduzetim aktivnostima tokom epizoda "pripravnost" i "upozorenje" koje je trajalo od 06.12.2019. do 09.12.2019."

Odgovor:

U skladu sa Planom interventnih mjera u slučajevima prekomjerne zagađenosti zraka u Kantonu Sarajevo ("Službene novine KS" broj 44/19) epizoda "pripravnost" proglašava se na osnovu Izvještaja Stručnog tijela ako su ispunjeni sljedeći uslovi:

- ako se na području Kantona uspostavila se stabilna vremenska situacija, koju ksrakteriše sporo kretanje visokog atmosferskog pritiska, slab vjetar i prizemna temperaturna inverzija u kotlinskim dijelovima Kantona,

- ako se očekuje zadržavanje stabilne vremenske situacije i u naredna 3 dana,

- ako izmjerene koncentracije zagađujućih materija u zraku na najmanje jednoj referentnoj stanici u Zoni. Vrijednosti zagađujućih materija moraju biti prekoračene najmanje 3 uzastopna sata.

Mjere koje Direkcija za puteve Kantona Sarajevo primjenjuje u slučaju epizode "pripravnost" su:

- Intenziviranje čišćenja i pranja cesta od strane komunalnih i drugih ovlaštenih institucija u skladu sa vremenskim uslovima i pri tome ne narušavajući bezbjednost učesnika u saobraćaju

- Primjena "mokrog postupka" sa otopinom za obaranje koncentracije čestica za zimsko održavanje cesta, od strane komunalnih i drugih ovlaštenih institucija na svim glavnim gradskim saobraćajnicama.

Epizoda "upozorenje" proglašava se odlukom Vlade Kantona Sarajevo na prijedlog Ministarstva prostornog uređenja, građenja, zaštite i okoliša a na osnovu izvještaja Stručnog tijela ako su ispunjeni sljedeći uslovi:

- izmjerene koncentracije na najmanje jednoj referentnoj stanici u Zoni,

- ako se u narednih 48h očekuje stabilna vremenska situacija.



U slučaju proglašenja epizode “upozorenje” poduzimaju se sve mjere kao i za epizodu “pripravnost”, te sljedeća mjera:

- zabrana saobraćaja za teretna motorna vozila čija je najveća dozvoljena masa preko 3,5t na glavnom gradskom longitudinalnom pravcu od Bašćaršije do Nedžarića sa preusmjeravanjem saobraćaja na alternativne pravce kretanja. Tehnička regulacija saobraćaja za vrijeme zabrane vršit će se privremenom saobraćajnom signalizacijom ili opremom, znacima ili naredbama koje daju ovlaštena policijska lica MUP-a Kantona Sarajevo. Ovo se ne odnosi na vozila JGP, javnih komunalnih preduzeća, vozila hitnih intervencija i dostavnih vozila za prehrambene proizvode.

Direkcija za puteve Kantona Sarajevo u periodu od 06.12.2019. do 09.12.2019. godine prilikom proglašenja epizode “pripravnost” i “upozorenje” poduzela je gore navedene mjere.

S poštovanjem,

DIREKTOR
[Redacted]
Selmir Kovač, dipl.ing.saob.

Dostaviti:

1. Naslovu
2. Stručna služba Vlade
- ③ Evidencija
4. a/a

